

冯煖客孟尝君 史记作冯驩

国策

齐人有冯煖者、贫乏不能自存、使人属祝、孟尝君、田婴子田文、齐相、封于薛。愿寄食门

下。孟尝君曰、客何好。曰、客无好也。曰、客何能。曰、客无能也。

三千人中、如此者却少。○好与能虽并点、重能字一边。孟尝君笑而受之、曰诺。以为真无能人。左右以君贱之也、食寺、以

草具。草、菜也、不以客待之。居有顷、倚柱弹其剑歌曰、长铗、归来乎、叶食无

鱼。左右以告。孟尝君曰、食之比门下之客。待以客礼。居有顷、复弹其铗歌

曰、长铗归来乎、出无车。左右皆笑之、以告。孟尝君曰、为之驾、

比门下之车客。待以上客之礼。于是乘其车、揭挈其剑、过其友、曰、孟尝君客

我。至此一断、点缀生趣。后有顷、复弹其剑铗。弹剑、弹铗、弹剑铗、三样写法。歌曰、长铗归来乎、无以为家。

叶孤、○三歌、亦寒酸、亦豪迈、便知不是无能人。左右皆恶之、以为贪而不知足。处处夹写左右、正为冯煖反衬。孟尝君问冯公有

亲乎。闻其歌、而问左右。对曰、有老母。孟尝君使人给其食用、无使乏。比上客反加厚。于是

冯煖不复歌。歌又妙、不复歌又妙。○冯煖既曰无好无能、所责望于人者、较有好有能者更倍之、大是奇事、孟尝亦以为奇、即姑应之、实非有意加厚冯煖也。后孟尝君出记、记、疏也。

问门下诸客、谁习计会、脌、○月计曰要、岁计曰会。能为去声文收责同、于薛者乎。冯煖署曰

能。署书姓名于疏也。○突地出头。孟尝君怪之、曰、此谁也。记不起冯煖姓名。左右曰、乃歌夫长铗归

来者也。笑谈轻薄、尽含句中。孟尝君笑曰、客果有能也。有能无能、照耀前后。吾负之、未尝见也。冯驩在门下已久、孟尝

未熟其名、未识其面、可见前番待冯煖、并非有意加厚也。请而见之、谢曰、文倦于是、是、指相齐。愤脌、心乱也。于忧、而性宁

作懦、愚、沉于国家之事、沉、没溺也。开罪于先生、先生不羞、乃有意欲为收责于

薛乎。冯煖曰、愿之。临时犹不露圭角、胜毛遂自荐一倍。于是约车治装、载券契而行。辞曰、

责毕收、以何市而反。孟尝君曰、视吾家所寡有者。问则有意、答则无心、幻出绝妙文字。驱而之

薛、使吏召诸民当偿者、悉来合券、券遍合赴。凡券、取者与者各收一、责则合验之、遍合矣、乃来听令。○亦粗完收债事、下乃出奇。矫

命、矫、托也。托言孟尝之命。

以责赐诸民、因烧其券。民称万岁。

冯煖大有作用、盖已料有后日事也。

长驱到齐、

晨而求见。

写其迅速。

孟尝君怪其疾也、衣冠而见之、曰、责毕收乎、来何疾

也。曰、收毕矣。

奇。

以何市而反。冯煖曰、君云视吾家所寡有者、

掣定此言。

臣窃

计君、宫中积珍宝、狗马实外厩、美人充下陈、

陈、犹列也。○三句、言无所不有。

君家所寡有

者以义耳、

此物人家最少。

窃以为君市义。

更奇。

孟尝君曰、市义奈何。曰、今君有

区区之薛、不拊爱子其民、因而贾_古利之。

贾利、与市义对。

臣窃矫君命、以责赐

诸民、因烧其券、民称万岁、乃臣所以为君市义也。

说出市义、一笑。

孟尝君不说、

曰诺、先生休矣。

休、犹言歇息、无可如何之辞也。○叙冯煖收责于薛毕。

后期年、齐王谓孟尝君曰、寡人不敢

以先王之臣为臣。

遣其就国、而为之辞。

孟尝君就国于薛、未至百里、民扶老携幼、迎

君道中、终日。孟尝君顾谓冯煖、先生所为文市义者、乃今日见之。

市义之为利如此、若取

必目前、便失此利也。○了市义一案。

冯煖曰、狡兔有三窟、

坤入声、○窟、穴也。

仅得免其死耳。

忽设一喻、更进一筹。

今有一窟、

市义。○结上。

未得高枕而卧也。请为君复凿二窟。

起下。

孟尝君予车五十乘、金五

百斤、西游于梁。谓梁王曰、齐放其大臣孟尝君于诸侯、先迎之者、

富而兵强。于是梁王虚上位、以故相为上将军、

徙故相为上将军、虚相位以待孟尝也。

遣使者、黄

金千斤、车百乘、往聘孟尝君。冯煖先驱、

先驰归薛。○作用更妙。

诫孟尝君曰、千金、

重币也、百乘、显使也、齐其闻之矣。

意盖为此、而语却不尽、妙。

梁使三反、孟尝君固辞

不往也。

只是要使齐闻之、妙。

齐王闻之、君臣恐惧、遣太傅

大臣。

赍黄金千斤、文车二驷、

文车、彩绘之车。

服剑一、

王自佩之剑。

封书谢孟尝君曰、寡人不祥、被于宗庙之祟、

岁、○祟、神祸也。

沉

于谄谀之臣、开罪于君、寡人不足为也、愿君顾先王之宗庙、姑反国

统万人乎。

复留相齐。○是第二窟。

冯煖诫孟尝君曰、愿请先王之祭器、立宗庙于薛。

请祭器、立宗庙、

则薛为重地、难以动摇也。○绝大见识。

庙成、

是第三窟。

还报孟尝君曰、三窟已就、君姑高枕为乐矣。

总结上文。

孟

尝君为相数十年、无纤介之祸者、冯煖之计也。

纤介、细微也。○结出孟尝一生得力、全在冯煖、直与篇首无好无能相映照。

三番弹铗、想见豪士一时沦落、胸中磊磊、勃不自禁。通篇写来、波澜层出、姿态横生、能使冯公须眉、浮动纸上。沦落之士、遂尔顿增气色。